

दोहा

श्रीगुरु चरन सरोज रज निज मनु मुकुरु सुधारि ।
 बरनउँ रघुबर बिमल जसु जो दायकु फल चारि ॥१॥
 बुद्धिहीन तनु जानिके, सुमिरौं पवन-कुमार ।
 बल बुधि बिद्या देहु मोहिं, हरहु कलेस बिकार ॥२॥

चौपाई

जय हनुमान ज्ञान गुन सागर ।
 जय कपीस तिहुँ लोक उजागर ॥१॥
 राम दूत अतुलित बल धामा ।
 अंजनि-पुत्र पवनसुत नामा ॥२॥
 महाबीर बिक्रम बजरंगी ।
 कुमति निवार सुमति के संगी ॥३॥
 कंचन बरन बिराज सुबेसा ।
 कानन कुंडल कुंचित केसा ॥४॥
 हाथ बज्र औ ध्वजा बिराजै ।
 काँधे मूँज जनेऊ साजै ॥५॥
 संकर सुवन केसरीनंदन ।
 तेज प्रताप महा जग बंदन ॥६॥
 बिद्यावान गुनी अति चातुर ।

राम काज करिबे को आतुर ॥७॥

प्रभु चरित्र सुनिबे को रसिया ।

राम लखन सीता मन बसिया ॥८॥

सूक्ष्म रूप धरि सियहिं दिखावा ।

बिकट रूप धरि लंक जरावा ॥९॥

भीम रूप धरि असुर सँहारे ।

रामचन्द्र के काज सँवारे ॥१०॥

लाय सजीवन लखन जियाये ।

श्रीरघुवीर हरषि उर लाये ॥११॥

रघुपति कीन्ही बहुत बड़ाई ।

तुम मम प्रिय भरतहि सम भाई ॥१२॥

सहस बदन तुम्हरो जस गावै ।

अस कहि श्रीपति कण्ठ लगावै ॥१३॥

सनकादिक ब्रह्मादि मुनीसा ।

नारद सारद सहित अहीसा ॥१४॥

जम कुबेर दिगपाल जहाँ ते ।

कवि कोबिद कहि सके कहाँ ते ॥१५॥

तुम उपकार सुग्रीवहिं कीन्हा ।

राम मिलाय राज पद दीन्हा ॥१६॥

तुम्हरो मन्त्र बिभीषन माना ।

लंकेस्वर भए सब जग जाना ॥१७॥

जुग सहस्र जोजन पर भानु ।

लील्यो ताहि मधुर फल जानू ॥१८॥

प्रभु मुद्रिका मेलि मुख माहीं ।

जलधि लाँघि गये अचरज नाहीं ॥१९॥

दुर्गम काज जगत के जेते ।

सुगम अनुग्रह तुम्हरे तेते ॥२०॥

राम दुआरे तुम रखवारे ।

होत न आझा बिनु पैसारे ॥२१॥

सब सुख लहै तुम्हारी सरना ।

तुम रच्छक काहू को डर ना ॥२२॥

आपन तेज सम्हारो आपै ।

तीनों लोक हाँक तें काँपै ॥२३॥

भूत पिसाच निकट नहिं आवै ।

महाबीर जब नाम सुनावै ॥२४॥

नासै रोग हरै सब पीरा ।

जपत निरंतर हनुमत बीरा ॥२५॥

संकट तें हनुमान छुड़ावै ।

मन क्रम बचन ध्यान जो लावै ॥२६॥

सब पर राम तपस्वी राजा ।

तिन के काज सकल तुम साजा ॥२७॥

और मनोरथ जो कोइ लावै ।

सोइ अमित जीवन फल पावै ॥२८॥

चारों जुग परताप तुम्हारा ।

है परसिद्ध जगत उजियारा ॥२९॥

साधु संत के तुम रखवारे ।

असुर निकंदन राम दुलारे ॥३०॥

अष्ट सिद्धि नौ निधि के दाता ।

अस बर दीन जानकी माता ॥३१॥

राम रसायन तुम्हरे पासा ।

सदा रहो रघुपति के दासा ॥३२॥

तुम्हरे भजन राम को पावै ।

जनम जनम के दुख बिसरावै ॥३३॥

अंत काल रघुबर पुर जाई ।

जहाँ जन्म हरि-भक्त कहाई ॥३४॥

और देवता चित्त न धरई ।

हनुमत सेइ सर्व सुख करई ॥३५॥

संकट कटै मिटै सब पीरा ।

जो सुमिरै हनुमत बलबीरा ॥३६॥

जै जै जै हनुमान गोसाई ।

कृपा करहु गुरु देव की नाई ॥३७॥

जो सत बार पाठ कर कोई ।

छूटहि बंदि महासुख होई ॥३८॥

जो यह पढ़ै हनुमान चलीसा ।

होय सिद्धि साखी गौरीसा ॥३९॥

तुलसीदास सदा हरि चेरा ।

कीजै नाथ हृदय महँ डेरा ॥४०॥

दोहा

पवनतनय संकट हरन, मंगल मूरति रूप ।
राम लखन सीता सहित, हृदय बसहु सुर भूप ॥

सियावर रामचन्द्र की जय
पवनसुत हनुमान की जय
उमापति महादेव की जय
बोलो भई सब संतन की जय

Śrī-Hanumāna Cālīsā

169

dohā

śrīguru carana saroja raja nija manu mukuru sudhāri,
baranaum̐ raghubara bimala jasu jo dāyaku phala cāri. (1)

buddhihīna tanu jānike, sumirau pavana-kumāra,
bala budhi bidyā dehu mohim̐, harahu kalesa bikāra. (2)


caupāī

jaya hanumāna jñāna guna sāgara,
jaya kapīsa tihum̐ loka ujāgara. (1)

rāma dūta atulita bala dhāmā,
añjani-putra pavanasuta nāmā. (2)

mahābīra bikrama bajaraṅgī,
kumati nivāra sumati ke saṅgī. (3)

kañcana barana birāja subesā,



kānana kuṇḍala kuñcita kesā. (4)
hātha bajra au dhvajā birājai,
kāṁdhe mūṁja janeū sājai. (5)
saṅkara suvana kesarīnandana,
teja pratāpa mahā jaga bandana. (6)
bidyāvāna gunī ati cātura,
rāma kāja karibe ko ātura. (7)
prabhu caritra sunibe ko rasiyā,
rāma lakhana sītā mana basiyā. (8)
sūkṣma rūpa dhari siyahim dikhāvā,
bikaṭa rūpa dhari laṅka jarāvā. (9)
bhīma rūpa dhari asura saṁhāre,
rāmacandra ke kāja saṁvāre. (10)
lāya sajīvana lakhana jiyāye,

- śrīraghubīra haraṣi ura lāye. (11)
- raghupati kīnhī bahuta baḍāī,
tuma mama priya bharatahi sama bhāī. (12)
- sahasa badana tumharo jasa gāvai,
asa kahi śrīpati kaṇṭha lagāvai. (13)
- sanakādika brahmādi munīsā,
nārada sārada sahita ahīsā. (14)
- jama kubera digapāla jahāṁ te,
kabi kobida kahi sake kahāṁ te. (15)
- tuma upakāra sugrīvahiṁ kīnhā,
rāma milāya rāja pada dīnhā. (16)
- tumharo mantra bibhīṣana mānā,
lañkesvara bhae saba jaga jānā. (17)
- juga sahasra jojana para bhānu,
līlyo tāhi madhura phala jānū. (18)
- prabhu mudrikā meli mukha māhīm,
jaladhi lāṁghi gaye acaraja nāhīm. (19)
- durgama kāja jagata ke jete,
sugama anugraha tumhare tete. (20)
- rāma duāre tuma rakhavāre,
hota na ājñā binu paisāre. (21)
- saba sukha lahai tumhārī saranā
tuma racchaka kāhū ko ḍara nā . (22)
- āpana teja samhāro āpai,
tīnoṁ loka hāṁka teṁ kāṁpai. (23)
- bhūta pisāca nikaṭa nahim āvai,

mahābīra jaba nāma sunāvai. (24)
 nāsai roga harai saba pīrā,
 japata nirantara hanumata bīrā. (25)
 saṅkaṭa tem hanumāna chuḍāvai,
 mana krama bacana dhyāna jo lāvai. (26)
 saba para rāma tapasvī rājā,
 tina ke kāja sakala tuma sājā. (27)
 aura manoratha jo koi lāvai,
 soi amita jīvana phala pāvai. (28)
 cārom juga paratāpa tumhārā,
 hai parasiddha jagata ujjārā. (29)
 sādhu santa ke tuma rakhavāre,
 asura nikandana rāma dulāre. (30)
 aṣṭa siddhi nau nidhi ke dātā,
 asa bara dīna jānakī mātā. (31)
 rāma rasāyana tumhare pāsā,
 sadā raho raghupati ke dāsā. (32)
 tumhare bhajana rāma ko pāvai,
 janama janama ke dukha bisarāvai. (33)
 anta kāla raghubara pura jāi,
 jahāṁ janma hari-bhakta kahāi. (34)
 aura devatā citta na dharaī,
 hanumata sei sarba sukha karaī. (35)
 saṅkaṭa kaṭai miṭai saba pīrā,
 jo sumirai hanumata balabīrā. (36)
 jai jai jai hanumāna gosāim,

kṛpā karahu guru deva kī nāim. (37)

jo sata bāra pāṭha kara koī,
chūṭahi bandi mahāsukha hoī. (38)

jo yaha paḍhai hanumāna calīsā,
hoya siddhi sākhī gaurīsā. (39)

tulasīdāsa sadā hari cerā,
kījai nātha hṛdaya maham̐ ḍerā. (40)

dohā

pavanatanaya saṅkaṭa harana, maṅgala mūrati rūpa,
rāma lakhana sītā sahita, hṛdaya basahu sura bhūpa.

siyāvara rāmacandra kī jay
pavanasuta hanumāna kī jay
umāpati mahādeva kī jay
bolo bhaī saba santana kī jay